

تونس اسلامي سئجدي

بیر حالداکي تونس جماعتی نین اینتیخاباتدا گنیش شیرکتی باعیت اولوب نتیجه لرین اعلامی دالی یا توشه، رایلرین ایلکین سایبسی، ایسلامچی لارین چوخ ایختیلافینان پیروزلوغوندان خبر وئیر.

العربیة شبکه سی نین گوزاریشینە گۆره، میّی شورا مؤسیسلر اینتیخاباتی یکشنبه گونو 217 عضوی سئچماق اوچون برگوزار اولدو. رأی وئرمایا موحاز اولانلارین 90 درصدی شیرکت ائله ییبلر. بو یوخاری میزان، اینتیخاباتی دولاندرانلاری غافیلگیر ائدی. قراریدی اینتیخاباتین نتیجه لری دونن ناهاراجن اعلام اولسون اما جماعتین چوخ شیرکتینه گۆره نتیجه لرین اعلامی بویونه قالیب. یکشنبه نین آخیر ساعتلرینه جن رایگیرلیق انجام تاپدی و دوشنبه سحر دن رایلری سایماق باشلاندى.

میّی شورا مؤسیسلر اینتیخاباتی، اساسی قانون و تازا قانونلارین یازماسی و تازا اساسی قانون چرچیوه سینده اولان آیری اینتیخابات اولونجن، موقت دؤلتین تشکیلی هدفی این برگوزار اولدو. بو بیر حالدا دیر کی رأی سایما مرکز لرینه یاخین منبع لر، اعلام ائله ییبلر کی لاب یوخاری رأی ایسلاما گیراییشی اولان «النهضت» حیزبی و اوندان سونرا «کنگره» سئکولار حیزبی رایلرین چوخون اؤزلرینه ایختیصاص وئریبلر.

عبدالحمید الجلاصی، النهضت حیزبی نین تبلیغاتی سیتادی نین مودیری بونا ایشاره ائله ماغینان کی اونلارین حیزبی اؤلکه نین خاريجینده بوتون صانديقلاردا فهرستین اولینده دی، دئدی: بو حیزب رایلرین یوزده الی سین الە گتیریب. تونسین سونکی اینتیخابات قانونونا گۆره کورسولرین یوزده قیرخی گرک مستقیل نامزدلره ایختیصاص تاپا. بو قانون بونا گۆره قویولوب کی تازا اساسی قانونو یازان مجلسده، هئچ حیزب مجلسین اکثریتین الە گتیره بیلمه سین؛ نه کی اساسی قانون گرک بوتون گروهلار و حیزبلرین حضوری اینن یازیل سین.